conjointement auec le dit Becquet les regler sur leurs differens au desir du dit arrest du vingt et vniesme Octobre dernier %.

DUCHESNEAU.

## Du lundy neuflesme jour de Decembre 1675.

LE CONSEIL ASSEMBLÉ ou estoient Messieurs le Gouuerneur et l'Intendant, Et les sieurs de Villeray, de Tilly, Damours, Dupont, de Lotbiniere, Depeiras, et de Vitray Conseillers.

Entre Jacques de la Roe demandeur en desertion d'apel d'vne part; Et les Religieuses Vrsulines du Monastere de Quebec Comparantes par l'huissier Hubert leur procureur apellantes de sentence du preuost de Quebec d'autre; Partyes ouyes La Cour a ordonné et ordonne que les dites Religieuses donneront leurs raisons et soutiens d'apel par escrit, qu'ils communiqueront au dit LaRoë dans trois jours, pour en venir ala huitaine, autrement sera fait droit /.

DUCHESNEAU.

Entre Jean Lemire Me charpentier present demandeur en desertion d'appel d'vre part; Et Guillaume FAGOT apellant de sentence de la preuosté de Quebec présent d'autre; Veu la dite sentence en datte du trentiesme Aoust dernier, par laquelle le dit Fagot est condamné payer au dit le mire la somme de trente sept liures auec despens; Signification d'icelle faite au dit Fagot par l'huissier Hubert, au bas de laquelle est l'acte d'apel en datte du cinquiesme Septembre dernier ; Requeste presentée a la Cour par le dict Lemire en desertion d'apel, au bas de laquelle-est l'Ordonnance de la Cour portant soit partie apellée, la dicte Ordonnance en datte du vingt cinquiesme Nouembre dernier; l'assignation faicte au dict Fagot a comparoir a ce jour, et ouv les partves en soustiens, dires, raisons, et dessences, Tout consideré. La Cour a mis et met le dict apel au neant sans amende; Et ordonné que la dicte sentence sera executée, en ce faisant que le dict Fagot payera au dict lemire la somme de dix sept liures restant a payer de celle de trente sept liures portée par la dicte sentence, sans depens de l'apel 1/.